



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCVII. Statuta pro Seminariis in Diœc. Angelopolitana.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

ex Presbyteris expresse professis ejusdem Congregationis eligi, seu assumi deberent, auctoritate Apostolica statuit, & ordinavit, & alias prout in ejusdem Innocentii Prædecessoris literis desuper in simili forma Brevis die 31. Augusti 1684. expeditis, quam tenorem præsentibus pro plene, & sufficienter expresso, & inserto haberi volumus uberius continetur.

Causæ hujus Prohibitionis, ut supra.

§. 2. Cum autem (sicut accepimus) iisdem rationibus atteritis, propter quas sicut præmittitur, interdictum fuit, ne Fratres Laici dictæ Congregationis in Consultores ipsius Congregationis eligerentur; seu assumantur similiter interdicti expediat, ne ipsi in eadem Congregatione sub quovis prætextu voce activa, & passiva gaudere valeant. Hinc est, quod Nos memoratæ Congregationis tranquillitati, rectoque gubernio, per amplius prospicere cupientes, Motu proprio, ac ex certa scientia, & matura deliberatione Nostris, deque Apostolicæ potestatis plenitudine, ne de cætero quicumque Frater Laicus Congregationis supradictæ voce activa, & passiva in ipsa Congregatione ullatenus gaudere possit, seu debeat, tenore præsentium perpetuo interdicimus, & prohibemus.

Prohibitio motu proprio facta.

§. 3. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obrinere, ac ab illis ad quos spectat, & pro tempore quocumque spectabit, inviolabiliter observari, nec de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno & substantiali defectu notari, impugnari, infringi, retractari, aut in controversiam vocari, seu ad terminos Juris, vel Constitutionum prædictarum reduci ullo modo unquam posse. Sicque & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de latere Legatos, & alios quoslibet quacumque præminencia, & potestate fungentes, & functionarios, sublata eis, & eorum cuilibet quavis aliter judicandi, & interpretandi facultate judicari, & definiiri debere, ac irritum, & inane si secus super his a quoquam quavis auctoritatè scienter, vel ignoranter contigerit attentari.

Clausula.

§. 4. Non obstantibus præmissis ac Constitutionibus, & Ordinationibus Apostolicis, necnon dictæ Congregationis etiam Juramento, confirmatione Apostolica, aut quavis firmitate alia roboratis Statutis, & consuetudinibus, privilegiis quoque Indultis, & Literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis, etiam motu, scientia, & potestatis plenitudine paribus, & alias quomodolibet in contrarium præmissorum concessis, approbatis, & innovatis. Quibus omnibus, & singulis etiam si pro illorum sufficienti derogatione, de illis eorumque totis tenoribus specialis, specifica & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra il-

lud habeatur, quæ haberetur ipsis præsentibus, si forent exhibitæ, vel offensæ.

Datum Romæ apud Sanctam Mariam Majorem sub Annulo Piscatoris die XX. Augusti MDCXCVII. Pontific. Nostri Anno Septimo.

Confirmantur statuta pro tribus Seminariis in Diocesi Angelopolitana.

XCVII.

Const. ed. 1696. Jun. 7. P. 5. extat confirmatio Statutorum pro Collegio Hungarico, & Germanico de Urbe. Et Bened. XIII. Constitut. edita 1725. Maii 30. P. 1. confirmatio statutorum pro Seminario Casenaten.

INNOCENTIUS PAPA XII.

Dat. 10. Sept. 1697. An. 7.

Ad futuram rei memoriam.

EXponi Nobis nuper fecit Venerabilis Frater Emanuel Episcopus Angelopolitan. quod alias, nempe anno 1644. bo. mem. Joannes de Palafox, & Mendoza, dum vixit, Episcopus Angelopolitan. ejus Antecessor tria Seminarium Juvenum bonis literis imbuendorum, unum videlicet sub S. Petri Principis Apostolorum, alterum sub Sancti Joannis, ac reliquum sub Sancti Pauli Apostoli respective invocationibus, a quorum uno ad aliud, juxta scientiarum in illis tradendarum ordinem, transitus fieret, congrua eis reddituum assignatione facta, comparataque Bibliotheca decenter munita, ac publicæ commoditati exposita, ad formam sacrorum Canonum, & præsertim Decretorum Concilii Tridentini, obrentoque desuper cla. mem. Philippi IV., dum vixit; Hispaniarum Regis Catholici consensu, reservato tamen ei ipsorum Seminariorum jurepatronato, erexit, instituit, & fundavit eorum erectionem hujusmodi a fel. rec. Innocentio Papa X. prædecessore nostro per ejus literas desuper in simili forma Brevis die 22. Maii 1648. expeditas confirmari, & approbari obtinuit, prout in publico super præmissis confecto Instrumento fusius apparere, ac in dictis Innocentii prædecessoris literis uberius respectivè dicitur contineri. Postmodum vero dictus Emanuel Episcopus prædictum Seminarium Sancti Pauli, quia illud nondum perfectum reperiebatur, nec ei de necessariis pro sufficienti Juvenum in eo educandorum habitatione, ac cæteris ad victum, & decorem pertinentibus provisum erat, perfici curavit, eique congrue providit, necnon pro ordinariis, seu extraordinariis illius expensis supportandis mille, & quingentas patacas auri communis monetæ illarum partium ipsius Rectori ex communibus redditibus prædictorum Seminariorum Sanctorum Petri, & Joannis, ab eorum Administratore, & Thesaurario annis singulis perfolvendis cum cautelis, & circumstantiis in similibus opponi solitis applicavit, ac insuper declaravit, & decrevit, quod totus dicti Seminarium Sancti Pauli situs cum ejus Terrenis, & confinis, prout ex Planta, instrumentis, & titulis situs hujusmodi proprietatem demonstrantibus constare dicitur, ad ipsum Seminarium Sancti Pauli legitimo, & proprietario titulo spectaret, ac proinde in eo, tanquam in proprio ejusdem Seminarium fundo ædificari posset quidquid de cætero pro majori illius commodo, & utilitate construi expediens fuisset. Cæterum pro felici, prosperoque dicti Seminarium Sancti Pauli, & Collegialium in eo pro tempore commorantium, necnon prædictorum Seminariorum Sanctorum Petri, & Joannis regimine, & gubernio tam idem Emanuel Episcopus, quam dictus Joannes similiter Episcopus ejus Antecessor nonnulla statuta, & ordinationes respectivè fecerunt, seu ediderunt, quæ ex publico die 29. Aprilis 1690.

Ortus, & progressus dd. Seminariorum a Joanne de Palafox erectorum, & ab Emanuele absolute abfolutorum Episcopi Angelopolitan.

Statuta a prædd. Episcopis edita.

& aliis itidem publicis desuper confectis Instrumentis, in quibus uberius contineri dicuntur desumpta, & in capitula distributa sunt tenoris, qui sequitur, videlicet:

Primo. Quod Collegialium numerus in dicto Seminario Sancti Pauli pro tempore commorantium non excedat octavum.

Secundo. Quod Bibliothecarii munus personæ habili, & idoneæ per Ordinarium Angelopolitanum pro tempore existentem eligendæ tum pro obsequio personarum ad Bibliothecam accedentium cum pro illius conservatione librorum notitia, & assistentia demandetur, quæ teneatur diebus ferialibus indispensabiliter Bibliothecæ assistere.

Tertio. Quod Collegiales Sancti Pauli teneantur Collegialibus Sanctorum Petri, & Joannis Theologiæ Scholasticæ, & Moralis Conclusiones præsignare, quæ ab eisdem sustinendæ erunt, & deficiente Collegiali Theologo in Collegio Sancti Joannis Artium Conclusionibus præsidente, quæ Conclusiones ter in hebdomada sustinendæ erunt, ac toties quoties opus fuerit, eis præsidere debeant, necnon dicti Collegiales S. Pauli obligati sint ad legendum, Cathedrasque Philosophiæ, & Theologiæ regendum, ac Grammaticam, & Rhetoricam eos edocendum semper, & quandocumque ob absentiam, infirmitatem, aliudve legitimum impedimentum prædictorum Seminariorum Cathedratici, & Magistrorum qui prædictarum Cathedrarum gubernio assistere nequiverint, a qua assistentia Collegiales Sancti Pauli prædicti nullatenus excusentur, dictique Collegiales S. Pauli quotiescumque Grammaticam, Rhetoricam, Philosophiam, vel Theologiam supplendo defectum, & absentiam Magistrorum alius duobus Collegiis regerint, & Collegiales edocuerint pro rata temporis suppleverint expensas, sive alimenta Collegio restituere non teneantur, etiam si Beneficia obtinuerint, sed proportionabiliter pro mercede laboris eis condoneatur restitutio.

Quarto. Quod si dicti Collegiales ob hujusmodi assistentiam cuilibet alteri obligationi sint adstricti, imposterum liberati, & exempti omnino remaneant.

Quinto. Idem Episcopus Orator, inhærendo erectioni per dictum prædecessorem alias factæ, statuit formam in dicta fundatione statutam, necnon Constitutiones ab eodem prædecessore emanatas, tam videlicet circa receptionem Collegialium Seminarium S. Petri, qui usque ad triginta circiter recipiantur, quique præcipue pauperes filii patrimoniales legitimi, & naturales, ac oriundi novarum Hispaniarum, & prædictæ Diocesis si existant, sin minus, aliarum Vicariorum Diocesum.

Sexto. Idem prædecessor alias statuit, quod nobiles, & divites non excludantur, dummodo solvant centum viginti patacas monetæ illarum partium quolibet anno, & in eis concurrant qualitates relatæ.

Septimo. Quod cæteris præferantur filii eorum, qui servitia Regi alias exhibuerint, seu exhibeant.

Octavo. Quod Collegiales, qui ingredientur in Seminarium S. Petri, sint in ætate duodecim annorum, inibique remaneant usque ad decimum septimum, seu decimum octavum annum, & discant Grammaticam, & Rhetoricam.

Nono. Quod exinde transeant ad Collegium S. Joannis, ibique maneant, donec Philosophiam, ac sacros Canones didicerint.

Decimo. Quod abinde transeant ad prædictum Collegium S. Pauli, ut praxim Sacramentorum, & rerum, quæ ad perfectionem optimi Ecclesiastici eorum necessaria, ad effectum, ut perfecte idonei ad Beneficia, & Officia cu-

rata, cæteraque munia Ecclesiastica obeunda evadant; quique assistere debeant certis temporibus servitiis Ecclesiæ Cathedralis, ac divinis Officiis interesse.

Undecimo. Quod si Collegiales divi Pauli Sacerdotali charactere initiati fuerint, & assistant moralibus conferentiis, aliisque exercitiis Ecclesiasticis eis ad majorem splendorem, & augmentum a dicto Collegio subministrabitur illud, quod sufficiens erit, etiam ad graduationem Baccalaureatus in Artibus, & in majori facultate in eodem Collegio remaneant tanquam Hospites more Collegiorum Hispaniæ, obligatione tali, ut si postea redditus Ecclesiasticos, & Beneficia Ecclesiastica obtinuerint, & commode restituere poterunt id, quod illo temporis spatio dispendierunt, ab ipsis sit faciendum, & eodem modo teneantur Sacerdotes prædicti ad rationem centum quinquaginta Patacarum pro quolibet anno, quod non solum ex debito conscientia posita Beneficii assentione, verum etiam, & justitiæ, qua compelli possunt, restituere teneantur Collegio expensas ad rationem taxatam a Fundatore.

Duodecimo, & ultimo. Quod ex eadem Bibliotheca superius relatæ per Prædecessorem prædictum sufficienter libris, aliisque necessariis referta, ac munita, idem Prædecessor prohibuit, ne Libri hujusmodi quavis de causa, vel prætextu ab ea ullatenus extrahantur.

§. 1. Cum autem, sicut eadem expositio subjungebat, dictus Emmanuel Episcopus Capitula, Statuta, & Ordinationes hujusmodi, quo firmius subsistant, & ferventur exactius, Apostolica Confirmationis Nostræ patrocinio communiti summopere desideret. Nos ipsius Emmanuelis Episcopi votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum ferrie absolventes, & absolutum fore censentes, supplicationibus illius nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium Concilii Tridentini Interpretum consilio, & attenta dilecti filii nostri Petri Matthæi ejusdem S. R. E. Cardinalis Petrucci nuncupati a Congregatione eorumdem Cardinalium ad hujusmodi negotium examinandum deputati, revisione, præsertim Capitula, statuta, & Ordinationes, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quandocumque spectabit, in omnibus, & per omnia plenissime suffragari: Sicque in præmissis pro quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Seminariorum præfatorum, aliisque quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis in contrarium præmissis-

De numero Collegialium S. Pauli.

De Bibliothecario.

De oneribus Collegialium S. Pauli.

De receptione, & numero Collegialium S. Petri.

De eorum Studiis.

De Studiis Collegialium S. Joannis.

De Studiis Collegialium S. Pauli.

De Privilegiis Collegialium S. Pauli.

De Bibliotheca.

Preces Emmanuelis Episcopi.

Confirmatio relatorum Statutorum.

Clausula.

rum quomodolibet concessis, confirmatis, & innovatis. Quibus omnibus, & singulis, illorum tenores presentibus, pro plene, & sufficienter expressis, ac de verbo ad verbum infertis habentes, illis alias in suo robore permanentibus, ad premissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscat. die X. Septem. MDCXCVII. Pontificatus nostri Anno Septimo.

XCVIII.

Conceditur Eremitis Excalc. Sancti Augustini Congregationis Gallicanae Provinciae Franciae facultas canendi cum notis in Expositione Sanctissimi Sacramenti, & Missis Defunctorum.

Inn. XI. Const. ed. 1679. Jun. 22. P. 3. agitur de facultate aggregandi ad Confraternitates Cincturorum. Et Clem. XI. Const. ed. 1701 Jan. 29. P. 1. conceditur facultas cantus Gregoriani in horis Canonicis.

INNOCENTIUS PAPA XII.

Ad futuram rei memoriam.

Dat. 17. Mar.
1698. An. 7.

Causa Con-
cessionis.

EXponi nobis nuper fecerunt dilecti filii Vicarius Generalis, Assistentes Generales, & Substituti Diffinitorii Congregationis Gallicanae Fratrum Eremitarum Ordinis Sancti Augustini Excalceatorum nuncupatorum, quod cum jam pridem multi Christiani, ac praesertim Charissimus in Christo filius noster Jacobus Magnae Britanniae Rex Illustris, necnon Charissima itidem in Christo filia nostra Maria ejus Magnae Britanniae Regina Illustris, imo, & quamplures ab haeresi ad fidem Catholicam conversi ab ipsis exposcunt, ut in Expositionibus, & Benedictionibus Sanctissimi Eucharistiae Sacramenti, quae frequenter in Provincia Franciae ejusdem Congregationis, ac praecipue in Conventibus Civitatis Parisiensis, & Suburbii Sancti Germani in Laya nuncupat. dictae Civitatis, magno populi concursu fiunt, Hymni, versus, aliaque, quae ea occasione cani solent, modo plano decantari valeant; In Statutis vero Congregationis praedictae totum Officium sine notis cantari praecipiat; ipsi Exponentes Hymnos, ac preces hujusmodi, quae in Expositionibus, ac Benedictionibus praedictis canuntur, quaeque ad Divinum Officium nullatenus pertinere videntur, dicto modo plano, & cum notis, prout similiter Missas Defunctorum praefatis scilicet Christianidelibus idipsum exposcentibus, solemniter decantare posse, ac proinde opportunam ad praemissa facultatem pro Convenibus Provinciae supradictae dumtaxat sibi a nobis concedi plurimum desiderant.

Preces Superiorum, & Officialium Congregationis.

§. 1. Nos igitur ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinatis, de Venerabilium Fratrum Nostrorum S. R. E. Cardinalium, negotiis, & consultationibus Episcoporum, & Regularium, qui relationem Venerabilis Fratris Marci Archiepiscopi Damasceni apud Charissimum pariter in Christo Filium nostrum Ludovicum Francorum Regem Chri-

stianissimum nostri, & Apostolicae Sedis Nuncii super praemissis transmissam, necnon dilectum Filium Valerianum a Sancta Cecilia Procuratorem Generalem dictae Congregationis audiverunt, consilio, eisdem Exponentibus petitum Indultum pro Cantu plano, cum notis in Hymnis, & precibus praedictarum celebrationum tantum auctoritate Apostolica tenore praesentium benigne concedimus.

§. 2. Decernentes easdem praesentes Literas, semper firmas, validas, & efficaces existere, & fore, suorumque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus praemissis, ac Constitutionibus, & Ordinationibus Apostolicis, necnon Congregationis, Provinciae, & Conventuum praedictorum, etiam juramento, confirmatione Apostolica, vel quavis firmitate alia roboratis, statutis, & consuetudinibus; Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus, pro plene, & sufficienter expressis, ac ad verbum infertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Pisc. die XVII. Mart. MDCXCVIII. Pontificatus Nostri Anno Septimo.

Confirmatur Decretum Congregationis Sancti Officii de Vicariis Foraneis, aut aliis ab Ordinariis Americae in locis a Curia Episcopali ultra duas dietas distantibus pro statu libero contrahentium eligendis.

XCIX.

De auctoritate Vicariorum Apostolicorum in Oriente vide Const. ed. 1697. Feb. 6. P. 8.

INNOCENTIUS PAPA XII.

Ad futuram rei memoriam.

Dat. 3. Maji
1698. An. 7.

Causa Decreti d. Congregationis.

PRO parte charissimi in Christo filii nostri Caroli Hispaniarum Regis Catholici exponi Nobis nuper fecit dilectus filius nobilis vir modernus Comes de Altamira ejusdem Caroli Regis apud Nos, & Sedem Apostolicam Orator, quod cum ipse dicti Caroli Regis nomine Congregationi Vener. Fratrum nostrorum S. R. E. Cardinalium in universa Republica Christiana contra haereticam pravitatem Generalium Inquisitorum a Sede praedicta specialiter deputatorum exposuisset, ipsi Carolo Regi innovisse scandala in partibus Americae eidem Carolo Regi subiectis vigentia, eo quia Ordinariis earumdem partium indistincte omnes suos subditos matrimonium contrahere volentes ad probandum suum statum liberum in cujuslibet eorum Curia Episcopali compellentibus, ii, qui a Curia hujusmodi longe aberant, post conclusum matrimonii tractatum, sive quia testes, qui ad Curiam praedictam accedere vellent, non inveniebant, sive quia pecuniis pro illuc deducendis testibus hujusmodi necessariis carebant, matrimonio minime celebrato cum scandalo, & peccato in mutua consuetudine, & commercio perseverabant, ac proinde dictus Comes me-